

ցեալ կնոջ պատմութիւնը, որ նոյնպէս աւետարանի անվաւերական կտորներից է, ինչպէս յայտնի է չկայ մեր հին ձեռագիրների մէջ և նորերի մէջ Յովհաննու աւետարանի վերջն է բերած միշտ: Գործածական տպագրութիւնները և նորագոյն ձեռագիրները՝ լատիներէնի ազգեցութեամբ այս հատուածը դնում են Ը. գլխի սկզբում:

Կ. Վ.



ԵԿԵՂԵՅԱԿԱՆ ՔՐՈՆԻԿՈՆ.

1. ԿԱԹՈՒԼԻԿ ԵԿԵՂԵՅԻ.

Եկեղեցիների միութեան խնդրի վերաբերութեամբ Վատիկանում կարծիքներն սկսել են տարբերուիլ, ինչպէս լրագիրներն հաւատացնում են, այդ խնդրի իրագործուելուն բացի պայից ուրիշ ոչ ոք չէ հաւատում: մինչև անգամ պնդողներ կան, որ պապի այդ վերմ ցանկութեան հակառակ են բարձր եկեղեցականներից շատերը: 2ը նայելով այս հակառակութեան պայքը հետզհետէ իրագործում է «Եկեղեցի պապական» ժողովի վճիռները և նորանոր հնարքներ է մտածում ս. Պետրոսի փարախը լայնացնելու:

Ինչպէս տեղեկանում ենք կաթոլիկ «Italie» թերթից, Կ. Պոլսում հիմնուելիք հոգևոր դպրոցը պէտք է մի տեսակ հոգևոր հասարակութիւնի, որ հնար ունենան յունածէս լատին քահանայք ներքին ու արտաքին գիտութիւններն ուսումնասիրելու: Այս համալսարանին կից պիտի պահպանուի և մի միջնակարգ հոգևոր դպրոց (սեմինար) իրրե նախակրթարան:

Այս հոգևոր դպրոցին և համալսարանին կից Հռոմի քահանայապետը մտադիր է և մի փառաւոր յայտ Եկեղեցի կառուցանել, որ յունական ծիսով պիտի պաշտօն կատարուի, որպէս զի արեւելցուն այնքան սիրելի արտաքին ծեսերի փառայեղութեամբ գրաւուին շատերը:

Հռոմի պապն առաջարկել է Ռայմոնի Լան-ժանիէ արքեպիսկոպոսին մի ֆրանսերէն թերթ հրատարակել միութեան խնդրի քարոզութեան համար: Այս առթիւ ռուս հոգևորականներից մէկը ճիշդ նկատել է, թէ արգարե պապն առաւել յաջող միտք կարող չէր յղանայ, որովհետև ոչ մի տեղ միութեան խնդիրն այնքան ոգևորած պաշտպաններ կարող չէ ունենալ, որքան ֆրանսիական հոգևորականների մէջ և դարձեալ թէ արեւելեան

քրիստոնէից (յոյների, ռուսների, սերբերի և մանաւանդ ռումէնացիների) համար ամենայն ինչ որ ֆրանսիայիցն է գալիս, գրաւիչ է:

Միութեան խնդրի ամենից եռանդուն քարոզիչները գործում են Ասորիքում: Պաղեստինում և Արարիայում ուր յունագական ժողովուրդը տեղից գիտութեան խաւարումն է խալիսափում: Այս քարոզութեան առաջն առնելու համար Պաղեստինէի ռուսական ընկերութիւնը մի արարներէն տեսարակ է հրատարակել, որ պապական միութեան առաջարկները միառմի առաջ են բերուած և հերքուած:

— Յիսուսեան կրօնաւորների թիւը մի ամբողջ բանակ է կազմում: անցեալ տարուան վիճակագրութիւնից երևում է, որ այդ միաբանութիւնը 14,000 անդամ ունի այժմ:

— Մինչդեռ Հռոմի պապն աշխատում է արեւելեան քրիստոնէականներին իւր իշխանութեան տակ առնել, արեւմուտքում հետզհետէ կորցնում է իւր ազգեցութիւնը: Անցեալ տարի ֆրանսիական կառավարութիւնը հարկի ենթարկել կամեցաւ հասարակական հաստատութիւններից և հիմնարկութիւնները: Մասնականութիւնը, որ հակառակ է ոչ միայն կաթոլիկութեան, այլ նաև քրիստոնէութեան առհասարակ, ֆրանսիայում 285 համայնք ունի, որ մատուորապէս կուենայ 28,500 անդամ: Այդ ընկերութեան անդամ են գրում բացառապէս կրթուած դասակարգից, ուստի և վերոյիշեալ թիւը մեծ տոկոս է իսկապէս: ֆրանսիական կառավարութեան առաջաւոր անդամները մասոններ են:

— Փարիզի եկեղեցիներում վերջերս շփոթն ու զայթաղութեան դէպքերը բազմանում են: Մեծի պահոց օրերին Կլինեանկուրի ս. Աստուածածնի եկեղեցում յայտնի քարոզիչ Հարնիէն քարոզում էր «անառակ որդու» մասին: Հատ մեծ էր ունկնդիրների բազմութիւնը, որոնք ամենայն հանգրստութեամբ մինչև վերջը լսեցին, սակայն երբ քարոզիչը խօսքը դարձրեց նորագոյն հասարակական «անառակ որդոց» վերայ և յորդորեց յետ դառնալ հայրենի տունը և ապաշխարել, այնպիսի շփոթ և աղմուկ բարձրացաւ եկեղեցում, որ հնար եղաւ միայն ոստիկանութեան միջամտութիւնով հանգստացնել:

— Լեոն ԺԳ. պապը իւր 17-ամեայ քահանայապետութեան ընթացքում 100 ծիրանաւոր է թաղել, որոնցից 90-ին ինքն է այդ աստիճանը տուել: Աշխարհիս երեսին եղած բոլոր ծիրանաւորներից մեծագոյն մասը իտալացիք են (63 հոգուց 38), ինչպէս ենթադրում են Լեոն ԺԳ-ի յաջորդն էլ այդ

ազգից կը լինի և իբրև թէ ինքը պապն արդէն մատնանիշ է եղել Բոլոնիոյ ծիրանաւոր-արքեպիսկոպոսի վերայ, որ բոլոր ծիրանաւորներից երիտասարդն է (56 տարեկան)։

ՀԱՅ ԿԱԹՈՒԼԻԿ ԵԿԵՂԵՑԻ

Վիեննայի Մխիթարեան միաբանութեան կողմից հետևեալ շրջաբերական ծանուցագիրն է ուղարկուած հայ խմբագրութեանց։

Գեր. Ամեն. Արսէն Արքեպիսկոպոս Այտնեանի Քահանայութեան եւ ուսումնական կենաց 50—ամեայ Յորելեանի պատրաստութեան համար՝ Վիեննայի հայ դպրութեան ծանուցանման անգամներէն վաճառատանց տեարք՝ Պ. Գր. Ճերմակեան, Պր. Պետրոս Հիշմանեան Պր. Զ. Բորբողիւ, Պր. Յովհ. Վարդապետիկեան, եւ Մխիթարեան Հայրերէն՝ Վ. Հ. Միքայէլ Վ. Թուրչայեան, Վ. Հ. Գր. Գալէմքեարեան եւ Վ. Հ. Բառնարաս Վ. Պիլէզիկճեան Յանձնախումբ մը կազմած են եւ արդէն այլեւայլ առաջարկութեանց՝ Պր. Զատիկ Բորբողիւ առաջարկեց՝

«ԱՅՏՆԵԱՆ ԱՐՈՒԾՍԻՏԻՏԵԱՆ ՀԻՄՆԱՐԱՌԻԹԻՆ» անուամբ հաստատութիւն մը կազմել, որուն գործն ըլլայ վարչական ժողովոյ մ'առաջնորդութեամբ արեւելքէն՝ (Տաճկաստան Ռուսաստան, Պարսկաստան եւն.) հայ աղքատ պատանիներ Վիեննայ բերել տալ, եւ այստեղ պարզ ձեռագործ արուեստներ սորվեցնել 3—4 տարի, եւ վարպետ հանելէն ետեւ վերագործընել, Յանձնաժողովն այս առաջարկութիւն ազգին արուստգիտական եւ նիւթական դարգացման շատ օգտակար, եւ հայ հասարակութեան սրտին շատ մօտ գտնելով՝ ընդունեցաւ, եւ սկսաւ կազմակերպութեան վրայ խորհիլ եւ առանձին կանոնադրութիւնը կազմել։

2. ՕՐՈՐՈՒՌԲՍ ԵԿԵՂԵՑԻ.

Կ. ՊՕԼՍԻ ՊԱՏՐԻԱՐԺՈՒԹԻՒՆ.

Յունաց պատրիարք Անթիմոս է. սուլթանից սիրալիր ընդունելութիւն գտնելուց յետոյ արժանացել է նաև նորահաստատ պատրիարքներին սովորաբար տրուող շնորհին, նա ստացել է Մէջլիսիէի առաջին կարգի շքանշանը։

— «München. Allg. Zeit». հաղորդում է Կ. Պոլսից, որ նորընտիր պատրիարքից զոհ չեն իւր ընտրողները, որոնք յոյս ունենին թէ նա գիւրաթեք գործիք կը լինի իրենց նպատակներին, Հակառակ Կ. Պոլսի յոյն սինոդական հարց սպասածին Անթիմոս պատրիարքը մեծ եռանդ և ինքնուրոյն գործունէութիւն է ցոյց տալիս, որ յայտնի կերպիւ ուղղուած

է նոյն իսկ իրենց սեփական նպատակներին և ձրգտումներին հետևող սինոդական հարց և քաղաքական ժողովի աշխարհական անգամների դէմ Կ. Պոլսի կաթողիկ թերթերն ևս (L'Orient և Turquie) յիշում են, որ յոյն հօտի մէջ զԺգոհներ կան նոր պատրիարքից։

ՌՈՒՍԸՑ ԵԿԵՂԵՑԻ.

Կրօնական բարոյական գաղափարների տարածման նպատակով և բարեպաշտական զգացումները զարգացնելու համար Ռուսաց մէջ երեք ընկերութիւն կայ, երկուսը մայրաքաղաքներում (Պետերբուրգում և Մոսկուայում) և մէկն էլ Կիևում։ Վերջին ընկերութիւնն կոչուում է «Ուղղափառութեան նախանձանդիր եղբայրութիւն սրբոյն Վլադիմիրի»։ Այս ընկերութեան նախընթաց տարուան տեղեկագրից երևում է, որ եղբայրութիւնն աշխատել է կենդանի խօսքի միջոցով և հրատարակութիւններով նպատակ քրիստոնէական ուղիղ գաղափարների տարածման, և զբայրութիւնը գործել է աղանդաւորների մանաւանդ ռուս-ուկրաին մէջ և կարողացել է շատերին դարձնել, Բացի աղանդաւորների վարդապետութիւնների դէմ ուղղուած հրատարակութիւնից ընկերութիւնը պահպանում է 1870 թ. սկսած և մի դպրոց, ուր ուսումը ձրիէ, Բացի սրանից ընկերութիւնը եկեղեցական-ծխական դպրոցներին շատ է նպաստում, մի քանիսին աժաւագին դասագրեր և կրօնական բարոյական գրքեր մատակարարելով, իսկ մի քանիսին էլ ձրի բաշխելով։

Ինչքան կարօտութիւն ունին մեր եկեղեցական-ծխական դպրոցները այսպիսի նպատակով հիմնուած ընկերութիւնների։

— «Ռուսսկոյէ Օբօդէնի է» ամսագրի մարտի տետրակում խնդիր է յարուցուած եկեղեցական պատկերների և մասնաւորապէս «Ուղղափառութեան» կոչուած սրբոց պատկերների մասին, որ վաճառականական արգիւնաբերութիւն է դարձել և ամենայն տարի տասնեակ հազարներով սրբոց պատկերներ է մատակարարում ժողովրդին։ Այս պատկերների նշկարիչներն անկիրթ և անձաշակ մարդիկ են, ուստի յաճախ և ըստ մեծի մասին սրբոց պատկերների անունով վաճառ են հանում անձուռն և անպատշաճ նկարներ, Յօդուածի հեղինակ պ. Իլարիանովն իրաւամբ նկատում է, որ զբաղնութեան օրէնքներով ամենայն մի պատկեր, զձագրութիւն, գիտնական հրատարակութիւն ենթարկուում է գրաքննութեան, իսկ սրբոց պատկերների հրատարակութիւնն ազատ է որևէ հսկողութիւնից։

Այդ հսկողութիւնն անշուշտ պէտք է հոգեւոր վարչութիւններին պատկանի, որոնք հոգ պիտի տան են սրբոց պատշաճաւոր պատկերների տարածման մասին, Հայ հաւատացեալները սովորութիւն չունին իրենց տները սրբոց պատկերներով զարդարելու: ուր որ այդ սովորութիւնը մտել է, պէտք է եկամուտ և խորթ համարել: Աերջին ժամանակներս հետզհետէ մուսք են գործում մեր եկեղեցիների մէջ բազմութիւ անձաշակ, մետաղէ և թիթեղէ պատկերների հետ նաև իւղաներկ անձոնի նկարներ: կարեւոր է այս հանգամանքի վերայ առանձին ուշք դարձնել: Մեր թեմական վարչութիւնների պարտքն է խստիւ ընտրութիւն անել նկարների ու պատկերների և ամենայն մի նուիրուած պատկերով թոյլ չը տալ զարդարելու եկեղեցու պատերը: այս վերահայեցողութեան առաջնորդող սկզբունքները պիտի լինին մեր սուրբ եկեղեցու աւանդութիւնը (որ օրինակի համար չէ ընդունում ամենին մետաղէ պատկերներ և արձաններ) և գեղարուեստական ճաշակը:

— Տամբով քաղաքի եկեղեցական-ծխական երկգասան դպրոցին կից իրրև փորձ բացուած է սրբոց պատկերների նկարչութեան մի վարժոց, ուր դպրոցն աւարտողներից նկարելու ձիրք ունեցողները նկարչութիւն են ուսանում և մասնաւորապէս եկեղեցական նկարչութիւն:

— Ռուսաց հոգեւորականութիւնն առանձին հոգ է տանում այժմ վանական միաբանութիւնների մասին, որպէս զի դրանք կարող լինին լուսաւորութեան կենդրոնավայրեր դառնալ: Այս մտքին համակրում է և մամուլը: այսպէս Մոսկովայի «Ռուսըսկոյէ Սլովոյ» թերթը խօսելով այդ մասին օրինակ է բերում լեւոնի կուսանոցը, որ տասն տարուան ընթացքում ուսուցչուհիների մի ստուար խումբ պատրաստել, որոնք իրենց անձը նուիրել են գիւղական դասակարգի կրթութեան: Այս ուսուցչուհիների հիմնած դպրոցները միշտ կապ են պահպանում կուսանոցի հետ և դրանով հետզհետէ զօրանում է վանքի ազդեցութիւնը:

— Ռուսաց թեմական վարչութիւնները ժողովներ են գումարում վանհայրերի և մայրապետների և խորհրդածում վանքերին բարոյական կեանք տալու համար: Փետրուար ամսին Պսկովի թեմում մի այդպիսի ժողով տեղի ունեցաւ, ուր լեւոնի Բուրիլին ճառից յետոյ քննութեան առնուեցաւ Փիլարէտի կազմած վանական կանոնադրութիւնը: Ցարդ տեղի ունեցած ժողովներն հարուստ են բարենպատակ առաջարկութիւններով, որոնց իրագործումից մեծ բարիք կարող է ծնել ժողովրդի համար:

— Եկեղեցականութեան յարգը բարձրացնելու համար պէտք է հոգ տանել և այն բանի մասին, որ եկեղեցական չը դառնան այնպիսի անձինք, որոնք թէպէտև պահանջուած ուսումն ունին, բայց զուրկ են կոչումից և արժանաւոր պատկառանք չեն տաճում դէպի քահանայութեան վեհ պաշտօնը: Այս առթիւ խրատական է Դոնի շրջանի թեմակալ արքեպիսկոպոս Աթանասի վարմունքը: Այդ թեմի հոգեւոր դպրոցում աւարտած մի սարկաւազ քահանայութեան իրաւունք ստացած լինելով ներկայացաւ առաջնորդին քննուելու: Թեմե քննութիւնից երևեցաւ, որ հոգեւոր դպրոցի աշակերտ և քահանայացու սարկաւազը «հաւատամքն» անգիր չը գիտէր: Թեմակալ առաջնորդն հրամայեց այդ քահանայութեան տեղը մի ուրիշին յատկացնել և այդ մասին յայտարարել ամբողջ թեմում ի զգուշութիւն քահանայացուների:

— Ռուսաց «Եկեղեցական համալսարները» իւր № 13- յառաջ է բերում ազգիս Ահհափառ Վաթուկիկոսի խօսած ճառը մամուլի մասին: Ահհափառ Հայրապետը այդ ճառը խօսել է Նոր-Նախիջևանում «Պրիաղովսկիկ Սրայ» թերթի խմբագրութեան անդամներին, որոնք բազդ էին ունեցել Նորին Սրբութեան աջն առնելու: Հայրիկի խօսքերը մերձաւորապէս հետեւեալ միպքն ունին. «Էին ժամանակ կային մարդարէներ և առաքեալներ, որոնք ժողովրդին ուսուցանում էին բարին ու ճշմարիտը և իրենց հօր լեզուով զգուշացնում էին սպառնացող վտանգներից: Այժմ չը կան այլ ևս ոչ մարդարէք և ոչ առաքեալներ, իսկ նրանց գործն ստանձնել են լրագրողներն ու հրապարակախօսները: Այս հանգամանքներում քրիստոնէական ոգւով ներշնչուած հրապարակախօսութիւնը կարող է մեծ օգուտներ տալ, մինչ նա կործանիչ ազդեցութիւն կունենայ, եթէ թողած ճշմարտութիւնն ու իւրեք երկրպագէ:» Ռուսաց եկեղեցու բերանը բացատրում է այս մեծիմաստ խօսքերն և մի քանի օրինակներով պարզաբանում է. «Ինչ դառն հեղեղութիւն է հնչում այս խօսքերից» թէ «լրագրողներն և հրապարակագիրներն այժմ այն են կատարում, ինչ որ կատարել են հնումն առաքեալներն ու մարդարէք, որոնք մարդկանց բարին էին ուսուցանում: Թէ Հայրիկի խօսքերն երկսայրի գովասանքներ են, այդ շատ պարզ է և թէ այժմ հեղեղութեան պէս է հնչում այդ մեծ գովասանքը, որ ազգիս Հայրապետը տուել է մամուլին, նոյնպէս ճշմարիտ է, սակայն Հայրիկը մարդկութեան յառաջադիմութեան անապայման հաւատում է, ուստի և առանց վարանելու նա այն-

քան վե՛հ պաշտօն է սահմանում հրապարակագրութեան, որի մէջ այսօր շատ սուտ մարգարէք և կեղծ ու անարժան առաքեալներ են գործում: որոնց անհետ կորուստը նոյնքան հաւաստի է, որքան և սուտ մարգարէից և կեղծ առաքեալներինն է եղել:

ԲՈՂԱՐԱԿԱՆ ԵԿԵՂԵՑԻ

Բողարական օրթոդոքս եկեղեցին, որ այժմ ունի իւր սեփական աղգային պատրիարքութիւնը, որի գլուխն իսկապէս էլէւէս է կոչուում այս տարի տօնեց իւր անկախութեան 25-ամեայ յօբելեանը: Տօնախմբութեան մասնակցել են երկրի իշխանից սկսած մինչև վերջին գիւղացին: Սօփիա քաղաքի խորհրդարանը ի յիշատակ յօբելեանի հիմնել է մի որբանոց, իսկ բողարական սինօդը թողակներ է նըշանակել բարձրագոյն հոգևոր կրթութիւն ստանալ ցանկացողներին համար:

Յ. ԱՆԳԼԻԱԿԱՆ ԵԿԵՂԵՑԻ

Քէնտրբուրիի արքեպիսկոպոսը մի բաց նամակով բողոքել է Լեոն ԺԳ. պապի այն ջանքի գէմ, որով կամենում է կրկին կապ հաստատել անգլիական և պապական եկեղեցիների մէջ: Վատիկանի շրջանների այն կուսակցութեան վերայ, որ չէ համակրում պապի միաբարական ձգտումներին, այս շրջաբերականը մեծ տպաւորութիւն է գործել: Եյսու ամենայնիւ պապը վճռել է հրատարակել այն կոնգակը, որով պիտի Անգլիացոց հրաւիրէ ս. Պետրոսի փարախը: Եյս թուղթը պէտք է Անգլիական կաթողիկոսներին ուղղուած մի շրջաբերականի ձև ունենայ: Պապն այժմ՝ եռանդով աշխատում է այդ թղթի խմբագրութեան վերայ, որ երևի մի անուղղակի պատասխան կը լինի Քէնտրբուրիի արքեպիսկոպոսին:

— Մեծ պատի ընթացքում անգլիական եպիսկոպոսները սովորութիւն ունին շրջաբերական կոնգակներով գիմել իրենց հօտին և ժամանակին յարմար խրատներ կարգաւ: Եյս սովորութիւնը, որ շատ հին է և գոյութիւն ունի բոլոր հնագոյն եկեղեցիներում, այժմ ամենից յաճախ գործ է գրուում կաթողիկ և անգլիկան եպիսկոպոսներից: Անցած մեծ պատին Եօրքի արքեպիսկոպոսն իւր շրջաբերականում մի քանի խրատներ տալուց յետոյ՝ մտքերի և սրտերի բարոյական հանգստութեան համար խորհուրդ է տալիս մի առ ժամանակ հեռու մնալ օրական բորբոքուած խնդիրներից և խոյս տալ դրանց մասին հրատարակուած յօդուածներ և գրքերի ընթերցումից:

Ն. Բ.



ԳՐԱԿԱՆԿԱՆ—ՊԱՏՄԱԿԱՆ

• Ի ՄՈՎՍԻՍԻ ՊԱՏՄՈՒԹԵՆԵՆ •

(Յաւելուած Արարտի Բ.)

Հայոց նախնի պատմագրութեան մի քանի յիշատակարանները նոյնութեամբ հասած չեն մեզ: Ազաթանգեղոսի պատմութիւնն իւր սկզբնական խմբագրութիւնից զանազանուում է իւր յաւելումներով և յապաւումներով: Փաւստոսի պատմութեան սկիզբն և վերջը թերի է: Եղիշէի պատմութեան գրքից պակասել է մի ամբողջ շրջանի նկարագիր, որն երբեմն գտնուել է նորա մէջ, (մենք առիթ կունենանք մի այլ անգամ այս մասին մանրամասն խօսելու): Նոյն վիճակին է հանդիպել և Մովսէս Խորենացու պատմութիւնը: Կան շատ ցուցումներ, որոնցից երևում է, որ Մովսէսի պատմութիւնը թերի է հասել մեր ձեռքը: Նախ որ այդ գիրքը բազկացած է եղել չորս դարութիւնից, իսկ մեզ հասել է միայն երեքը: Երկրորդ որ Մովսէս իւր պատմութիւնը գրել է ակսեալ յԱզամայ մինչև ի կայսր Զենոն², այսինքն մինչև 491 թուականը: մինչդեռ այժմեան նորա գրքի պարունակութիւնն է Ազամից մինչև Ս. Թարգմանիչների մահը՝ այն է 440 թուականը: Երրորդ որ արդէն յայտնուել է նորա պատմութեան կորած մասերից մի հատուած՝ այն է Տրդատ արքայի յուղարկաւորութեան նկարագիր, որի մասին տեղեկութիւն է տալիս Թովմա Արծրունին³ և որն հրատարակուեցաւ 1851 թուին Վենէտիկի Բագմալէպուս: Եւ չորրորդ՝ որ Խորենացու պատմութեան երրորդ գրքի մէջ պակաս է Մուշեղ և Մանուէլ Մամիկոնեան զօրավարների եօթնամեայ ժամանակի նկարագիրը, որ մանրամասն հաղորդում է Փաւստոս քանի որ Մովսէսի պատմութեան բովանդակութիւնը, թէև այլ ոգւով պատմած, համաձայն է Փաւստոսի պատմութեանը, անշուշտ, նոցա երկուսի բովանդակութեան մէջ երեւյա՞ծ տարբերութեան պատճառն այն է,

1. Տես Թովմա Արծրունի, պատմութիւն, եր. 9 և 76 Ս. Պետերբուրգ. տպ.

2. Նոյն եր. 76.

3. Նոյն եր. 58.